

Tuhaqtaujuukhaq (Aug. 26 2022)

Nutaaq Kalaallit-Nunavut Angirutit sainiqtaujuq

Kalaallit Angajuqqaarjuanga Múte B. Egede unalu Hivuliqti Premier P. J. Akeeagok sainiqtuq Titiraqmik Tukihimaqatigiigutimik (MOU) ukunani kavamangani Kalaallit kavamanganilu Nunavut Nuukmi ublumi.

Nunavut Kalallillu qangataimaa pidjutitgit atauttiknullu Inuinnaqatigiigutimik, talvannga ingilraanin. Una atauttikut qangataimaa, pitquhikkut, inuqatigiingnikkut, nunakkullu pidjutiqatigiingniq pipkaijaa tunngavikhaq atauttikut havagiami havaqatigiikluni ukunani malrungni nunagijaujuni.

Hivulliqpaq Titiraq Tukihimaqatigiiguti Kalaallimi Nunavunmilu sainiqtauhimajuq 2000mi. Taimaatun taapkuat turaangajun pijumajaujullu iliuraqhimajun piqqaarhimajumi MOUmi huli atuqtun, ublumi angirutaa hakugikhaqjuummirnuaqtaq pidjutiqatigiigutivun pipkailunilu hivunikhani havaqatigiigutini ukunani malruungni nunagijaujuni.

Uumani MOUmi, Kavamagijaik Kalaallimi Nunavunmilu ilitarijaa pijumajait piniarhimajallu angikliharnikkut havaqatigiigutinik qaffiujuni pivikhani ilaujullu pitquhikkut hanaujarnikkut; iliharnikkut, aullaarnikkut aquinikkullu, imakkut aulapkaidjutikhat, iqaluliqinikkut, nakuujuniklu auladjutikhanik.

Uqaqtait:

“Una Titiraq Tukihimaqatigiigutimik aulahimmaarutaujuq qangataimaa pidjutiqatigiigutiipitkni nuatqatitkni Kalaallimi. Malruuk nunagijavut atahimajuk amigaittuni kinguliriigutini taimaittuq nunaptigun, uqauhiptigun pitquhiptigullu pidjutainnin. Ublumi angirutaa naudjutauniaqtuq taimanin pipkainiaqtuqlu Kalaallit Nunavullu havaqatigiikhimmaarniaqtuk nakuutqijaujumik havagutigitilugin inuptiknun uvanilu atauttikut pijumajaptikni hivumuupkainikkut Inuit pitquhia, hanaujani, qaujihimanik nutaanik qanuriliurutikhakkullu.”

– Hivuliqtia Nunavut, P. J. Akeeagok

“Quviahuktunga sainirapku una Titiraq Tukihimaqatigiiguti, hakugikharutniaqtuq atadjutainnik Nunavunmi Kalaallimilu. Naalakkersuisut piliurumajuq angijumik havaqatigiigutimik Nunavunmi Kalaallimilu, una pijumainnarutaujuq uvaptiknun taimaatun qanitpiarapta nunakkut ukunanilu pitquhirni uqauhirnilu. Kalaallit Nunavullu havaqatigiiktukhak pivallialiurnikkut nunaptiknik, piqarluni Ukiuqtaqtumi inungnik pidjutiqarluni. Inuinnaqtun nipivun, pitquhivun ukuallu ublumiutanik Ukiuqtaqtumi qanurittunik qaujihimanirnik atuqtitaujuukhaq tamaptikni, pipkainikkut pilaarutikhaptiknik pivallialiurnirnun.”

– Kalaallit Angajuqqaarjuanga, Múte B. Egede

Uqaqatiginikkut naunaitkutit ukununga Naalakkersuisut/Kalaallit Kavamanga:

Inmi Titiraqtia uuma Greenland Angajuqqaarjuanganun Angutinnguaq Tittussen, qaritaujakkut-titiqqivia angu@nanoq.gl , nakhaqtaq-hivajautaa: +299 345604

Uqaqatiginikkut naunaitkutit ukununga Nunavut Kavamanganun:

Titiraqtilluanga Joe Adla Kunuk, qaritaujakkut-titiqqivia jkunuk6@gov.nu.ca , hivajautaa: +1 (867) 975-5050